

平定兩金川方畧

三

三





平定兩金川方略卷之八十九

二月己丑。阿桂、色布騰巴爾珠爾奏言。查喇穆

喇穆山梁。爲賊番緊要門戶。今海蘭察之兵。已

繞過其左。佔據登古山梁。卽不難繞截喇穆喇

穆之後。但有登古對面高峯。驟難攻克。而其下

尙有可繞之路。若從此繞出。不但該處碉卡賊

難據守。而喇穆喇穆之賊。見大兵已越至險之

地亦必不攻自潰。惟此一帶山梁本係當噶爾  
拉。功噶爾拉一脈。氣候亦相似。與明亮由馬奈  
等處。沿河進兵者不同。數日來雨雪連綿。層冰  
凍滑。官兵立脚爲難。但自登古對面高峯而下  
不十餘里。卽出積雪之地。現在各官兵等。鑿冰  
冒雪。搬石砍木。甚爲踴躍。以爲一過此隘。則地  
勢漸平。天氣漸暖。勒烏圍賊巢在望。不難計口

掃平。並不煩臣等嚴加督飭。其凱立葉一路臣

等斜望該山形勢。較爲切近。詢之番人。均稱有

路繞越。不難措手。查有久經投出之金川番人

策旺。伊生長凱立葉地方。路徑情形。較爲熟悉

因令其前赴豐昇額軍營。以資嚮導。茲於二十

三日。天色已晴。臣等卽於日內督率攻勦。

同日。郝碩奏言。臣於本月十八日。自大板昭馳



赴布朗郭宗。催趲糧運。查布朗郭宗。爲新設各站總滙之地。存米現有三千餘石。兼之每日滾運。上站米石。並運送麵斤軍火餉鞘等項。積米未能暢運。且軍營積貯。亦不甚充裕。設早晚直抵勒烏圍。愈進愈遠。更須添安數站。臣率同站員。將後路捲撤之夫。截留三百餘名。趕緊前運。又於本站雇募客夫。酌量加運。日來頗見踴躍。

火甚有憶。願加裝背負者。每日可運積米數百石。旬日即可運完。此後滾運之米。隨到隨運。不致停積。均奏入。

上諭軍機大臣曰。前以阿桂從谷噶子口深入其後。路最關緊要。復因豐昇額奏凱立葉一路。攻進稍難。曾令其統兵赴谷噶一帶。爲阿桂助勦聲援。今阿桂又遣熟識路徑久經投出之番人策旺前赴



豐昇額軍營以資嚮導。凱立葉既有路可繞。復添嚮導之人。自可乘間攻克。與阿桂會合進攻。但六七千里外軍務機宜。究難懸定。阿桂豐昇額惟當斟酌妥爲之。仍將作何定局之處。迅速覆奏。惟是數日以來。朕日夕盼望。竟至中夜無寐。將軍等豈可不體朕宵旰焦勞之意。嗣後間四五日。奏事一次。勿稍遲緩。又據郝碩奏抵布朗郭宗後。趕運軍

糧所辦甚好。人夫均知出力。趨運亦屬可嘉。郝傾等自應酌量加賞。以示鼓勵。

同日。

上諭內閣曰。阿桂等奏軍營出力人員。請將全福陞補貴州丹江營參將。所遺貴州水城營遊擊員缺。以李煦補授。又四川城守營參將員缺。請以劉興祖補授。其陝西潼關協副將員缺。現在綠營參將



內不能得人。請以火器營翼長子爵仁和補授。均著照所請行。其委署防禦八十七索倫馬甲諾親保俱著授爲藍翎侍衛。仍著賞給八十七多訥馬克巴圖魯。諾親保資濟特巴圖魯名號。其貴州兵王安章。湖廣兵曹萬年。俱着以千總補用。仍賞給王安章掖桑巴圖魯。曹萬年瓦爾單巴圖魯名號。均各加賞銀一百兩。

同日富勒渾奏言臣於二十四日馳赴谷噶軍營與將軍阿桂籌商糧運及帶兵防駐事宜據稱大板昭實爲西北兩路糧運總滙只須將大板昭各卡隘防範周密即可無虞至僧格宗一處不過駐兵防守與美諾布朗郭宗聲勢相連以通消息實與各處後路無關且目下大兵分路會攻該逆酋方固守不暇何敢分兵滋擾現

在擬卽進攻遜克爾宗。新設糧臺。正當趕運。一

經得手。卽可直抵勒烏圍。又須添安三四站。以

利軍行等語。

臣

查谷噶一路軍糧。經

臣

設法運

供。並無貽悞。昨劉秉恬已由孟拜拉前赴楸砥。

查看道路情形。郝碩亦前往布朗郭宗。催辦糧

運。

臣

現駐梭洛柏古地方。離大營三十里。督催

趕運。以裕軍儲。阿桂進攻遜克爾宗。一經克捷。



卽欲直抵勒烏圍一切增添臺站均在賊酋境  
內。後路軍糧設有不繼關係非輕臣自當權其

輕重。暫駐梭洛柏古。相機妥辦。至新開楸砥色  
利溝道路。據查禮稟稱業已開通。修治寬整。其

中險仄之處亦俱搭造編橋。計白楸砥至薩拉。  
共安九站。比之北路由孟拜拉經行較近十二  
站。卽比北路之咱嗎山及西路之卧龍關兩處

運道均近十站。所有糧米人夫馬匹各項。均可  
節省十站之費。且係梭磨小金川地界。距賊甚  
遠。尤爲穩妥。臣前准文綬來咨。將西路未經起  
運商米改運楸砥一路。第恐道路初開。各商未  
經親歷。不免觀望遲疑。臣現在咨商文綬。先飭

成華鄂灌四縣。共辦長運大板昭米一萬石。剋  
日起程。勒限到站。此項米石。絡繹而來。各商等



自必聞風嚮往。迨商民輻輳。糧運日增。而後路  
達木巴宗所剩米石。卽可留爲布朗郭宗。美諾  
等處防兵支食。是舊存者旣無堆積之虞。新到  
者復有充盈之效。並可將布朗郭宗。至美諾一  
帶夫馬酌留。歸入各卡隘。以壯守禦之聲援。以  
絕賊番之窺伺。而其餘後路各站。均可裁撤。以  
歸節省。奏入。

上諭軍機大臣曰。前以阿桂軍營後路。關係緊要。因令富勒渾。仍隨阿桂大營。督辦一切。今富勒渾奏到籌辦糧務情形。是該督自不便輕離西路。至僧格宗爲南路扼要之處。卽着王進泰前往駐守。

同日。桂林奏言。

臣

督率各站員。上緊趕運南路

軍糧。今據糧員稟報。大營現存糧米。除運供奎林一路。及各山梁官兵支食外。已積有二千三

四百石。人夫約有一千三四百名。足敷分運其  
換班人夫。陸續解到者。約有五百餘名。俱儘數  
先撥大營應用。其續到之夫。卽照數截留。以補  
從前撥調之數。旣可以資滾運。亦可免人夫往  
返之煩。再查自章谷以至軍營。沿途路徑。多有  
應用渡船之處。必須預添船隻。方可隨到隨渡。  
所需工匠物料。以及應添水手。臣已核明數目。



徑行承辦州縣。趕解應用。一俟物料到齊。卽飭員弁上緊修造。以資利濟。奏入。

上嘉之。

辛卯。豐昇額奏言。將軍阿桂差遣從前投出之金川番人策旺土練守備阿拉來營。以資嚮導。隨令潛往凱立葉山前山後。遍行詳勘。何處可以進兵。旋據策昂等查得凱立葉南首由達爾

扎克對面之莫爾敏山傍。林箐內約行二十里。踰溝卽係凱立葉一帶。山梁之中。地名迪噶拉。

穆扎。上有碉座。官兵取此。必由樹林中穿出自下上登。并須佔據莫爾敏山。方能聯絡。但向年

山上。只有二碉。今見山巔碉卡。已連豎十餘座。

看守甚嚴。除此兩路外。別無去路。臣等思該處

實係賊酋要隘。一經得手。便可直抵勒烏圖。故

賊人守禦加嚴。而我兵之攻取。更宜速密。臣現  
卽派兵前往。攻取莫爾敏山。以便奪佔迪噶拉  
穆扎。奏入。

上諭軍機大臣曰。前因阿桂已由谷噶了口。統兵深  
入。恐其後路未能嚴防。適豐昇額奏凱立葉一路。  
驟難攻進。因令移兵往谷噶一帶。爲阿桂後路聲  
援。今豐昇額又覓有可進之路。自當相機妥辦。若



果將莫爾敏山攻克。繞取凱立葉。其與阿桂進攻格魯瓦覺之兵。亦甚有益。且前據阿桂奏二十三日。天氣已晴。官兵攻勦。自易爲力。佇盼捷音。

癸巳。明亮富德奏言。

臣

等於二十四日。派令和

隆武等帶兵。由卡卡角分路仰攻。又令科瑪等繞過卡卡角山後。截出東面進攻。使其三面受敵。詎東面溝內。碉寨相連。密如櫛比。將我兵攔

阻在內。而續派叅領拉布棟阿弗喜常祿等帶

策應兵六百名。俱裹帶四日口糧。鼓勇衝入。與

溝內官兵。合為一處。將各碉寨。或用焚燒。或行

搶佔。而正面西面兩路。相持至兩晝夜。臣等復

察西面山腿斜插之處。絕壁中間。微可攀陟。有

空藍翎興善。保守備田藍玉。新得花翎益思自

効。隨挑健兵五百名。同時攀越。于二十六日黎



明將登山頂。豈意賊番埋伏峯下。突出排鎗施放。而各鎗俱不過火。我兵搶至跟前。揮刀驅殺。立時驚竄。其時各山口賊番無不慌亂。而賊人正面山觜。礮位亦卽隨火炸裂。三面官兵聞聲相應。勇氣百倍。共殺賊六十餘名。其餘各寨逃去之賊。正當斜上山梁。適和隆武統兵進口。截殺一半。隨將卡卡角全行佔據。現在卡卡角以

前地名庚額特。與卡卡角又隔深溝。正西一面。壁立千仞。前後雖有可攻道路。實爲一夫當關。萬難措手。卽正面山脚。直插河流。惟山半橫腰。羊腸一線。則又有兩石礮攔路。其後復起一礮護之。據土人云。此爲金川南路第一緊要門戶。過此則山岩雖險。皆有着力之處。臣等趕運大

礮。先將當路礮卡轟摧。如可伺隙而進。必不少

留餘力。至奎林一路。自十九日將兵撤回。歷今  
十日。屢據報稱。自山梁下壓。應先取斯第。則博  
堵已在掌握。但足跡所經。怪石鋒利難行。若非  
步步連兵而下。後顧正復堪憂。今兵四千五百  
名。實不敷用。未便輕進。俟河北攻過庚額特。與  
斯第博堵相對。即可渡河而南。爲上下夾攻之  
勢。



同日。文綬奏言。荊州駐防兵一千已全數出口。  
據報頭起已抵卧龍關。卽日可到布朗郭宗。其  
湖北綠營兵一千。于二十三。四日已抵成都。卽  
尾隨滿兵進發。臣已飛飭帶兵將領。迅赴布朗  
郭宗一帶。聽阿桂酌派。均奏入。

上諭內閣曰。據明亮等奏。派兵由卡卡角三路進攻。  
當阻險相持之際。有空藍翎興善保。守備田藍玉。

攀越登山。賊人埋身峯下。排鎗施放。而各鎗俱不  
過火。其正面山背。賊人所安之礮。亦皆隨火炸裂。  
官兵勇氣百倍。乘勢勦殺。將卡卡角全行佔據。此  
皆仰賴

上蒼嘉佑。俾賊衆魄褫膽落。至官兵等無不努力奮勉。  
而與善保田藍玉二人。勇往出衆。尤屬可嘉。與善  
保着加恩。授爲四等侍衛。田藍玉着加恩。授爲都

司。遇缺卽補。其餘出力之將弁兵丁。並着明亮等  
查明記檔。俟攻得馬爾邦後。卽奏聞交部。分別從  
優議敘。富德自到軍營以來。實心調度。着加恩授  
爲都統。遇缺補用。又建昌鎮總兵英泰。出師南路。  
已歷四載。頗能實心奮勉。着將英泰所有革職之  
案。准其開復。

上諭軍機大臣曰。明亮等奏攻克卡卡角山梁。並現



在用兵情形一摺。深爲欣慰。昨因明亮一路兵數較少。已諭阿桂將續調之湖北綠營兵一千馳往

南路。並令照文綬所奏之川省綠營兵一千三百名酌撥兩路應用。又成都駐防三百名亦可調撥分用。是明亮南路約可添兵一千七八百名。此兵一到。即可添助奎林一路攻勦。更爲得力。今湖北綠營兵已于正月二十三四日抵成都。着傳諭阿

桂。卽速知照楚省帶兵之員。催令過往應用。

同日

上又諭內閣曰。寧遠府知府盛英。在綽斯甲布一帶。

辦理糧務。頗爲出力。且熟悉番情。所辦俱合機宜。着加恩賞給道員銜。仍在軍營辦事。

同日劉秉恬奏言。

臣

於本月二十五日。至楸砥

地方。據查禮稟稱。新開運道。遵照阿將軍指示。

於正月十一日。委員帶夫分段開修。上緊趕辦。均已修理工竣。臣查新開楸砥道路。計自桃關至谷噶軍營。共二十三站。至副將軍豐昇額軍營。共二十七站。較之別路運道。自屬捷近。兩路軍糧。不難從此運供。奏入。

上諭軍機大臣曰。劉秉恬奏楸砥運道。已經修理工竣。較別路自屬捷近。昨富勒渾亦將各路程站。開



單比較。並於新路設法招商轉運。使衆皆喜近爭先。此路一通。於糧務甚爲有益。兩路軍營皆資其利。着傳諭富勒渾等。一面查該。卽飛札鄂寶照辦。上又諭內閣曰。松茂道查禮。在軍營隨辦糧務。向稱得力。今此次開修。楸砥新道。尤能迅速督辦。所有從前革職。留任之處。着加恩開復。用示獎勸。

臣等謹案師行首資餽饗。必經理得宜。流轉

近便。始能無缺儲蓄。我

皇上屢懷軍餉。於各路支供。無一不上煩

指畫。俾諸臣咸得遵循。董率籌運。其隨營辦運諸員。

職在從戎。誼均敵愾。轉輸絡繹。皆臣子職分

所當然。而每有微勞。卽蒙

甄錄。或晉增新秩。或捐釋舊瑕。

寵施彌渥。感勵倍深。所以源源供運。用濟集勲也。

乙未。舒常奏言。綽斯甲布土司。分派土兵。擇于

二十五六日進攻。並請官兵同時並舉。臣等屈

期派叅將馬應詔等。前赴周叟。帶領土兵前進。

一面抽撥官兵。乘夜前赴日旁。卽令永平烏爾

圖納遜等。分往兩路。接應土兵。是日子刻。綽斯

甲布土兵。俱由深溝密箐。潛赴賊碉坡下。接踵

向上仰攻。礮內鎗石並發。土兵已有受傷。而救



援之賊愈多。因暫令官兵撤退。又據周叟一路帶兵之馬應詔等稟稱二十六日亥刻進攻對面山梁礮卡。至二十七日丑刻俱到礮前。併力攻打。奪獲石礮二座。賊人分頭來援。士兵一面抵禦。一面將所得之礮。卽時燒拆。殺死賊番甚衆。士兵亦有受傷。且地險礮堅。驟難攻撲。亦遂撤回。臣查此次打仗。綽斯甲布陣亡頭人二名。

土兵十三名。受傷頭人一名。土兵八十一名。俱分別照例給賞。又據永平報稱。本月二十日亥刻。有守卡千總袁國璜。望見賊卡上一二百人。往來搬石。似有脩葺礮卡之狀。該千總卽率兵用鎗連擊殲斃數賊。餘始竄匿。奏入。

上諭軍機大臣曰。據舒常奏。綽斯甲布土司。覓得周叟對面山梁。並日旁下面礮卡。有可進之路。派兵



冒險前進。奪碉殺賊等語。看來此路難于直進。然藉此以挫賊鋒。而綴賊勢。亦不可少。其上兵內陣。亡受傷之人。均堪憐憫。自應照例賞卹。至各土兵之勇往出力。由於該土婦及土司土舍等誠心恭順。甚屬可嘉。著舒常傳旨。賞給綽斯甲布老土婦倉旺拉穆。土司雍中旺爾結。土舍綽爾甲木燦。緞各四疋。以示鼓勵。又奏稱永平呈報千總袁國璜。



見賊一二百名。往來行走似修碉卡。隨即帶兵前往。鎗斃數賊等語。賊人修卡自防。固屬情理。所有但我兵正值分路進攻。賊方守拒不給。安得復有如許餘閒賊衆。專修碉卡。似係賊人故作整暇。飾爲無恐之狀。或伺我不備。潛出滋擾。亦未可知。舒常不可不留心防範。勿稍疎懈。

同日。鄂寶奏言。查豐昇額由凱立葉進剿。若支

西路之糧。則應從卧龍關。明郭宗。布朗郭宗。

帶運供。無須取道卓克采等處。但由西路運至

凱立葉。計程四十二站。由北路雜谷。梭磨。卓克

采一帶。運至凱立葉。計程三十七站。以程站遠

近。計之。卓克采一路。實爲省便。至丹壩。係在卓

克采之外。相距八站。再加四站。始抵凱立葉。計

程亦係四十二站。均屬道遠。費多。是以臣酌量

遠近。擬由卓克采一路輓運。現在阿桂又奏開  
脩楸砥道路。若此路一通。較卓克采更爲捷便。  
俟糧運暢行。足供兩路兵食。再將應行改併之  
處。商同辦理。奏入。

上嘉之。

同日。阿桂奏言。臣前因楸砥一路。本距內地較

近。一切糧運。道近而費省。是以飭令松茂道查



禮相度開通。今據該道報稱。剋期分段開修。已

於二十四日竣工。糧夫人馬皆可通行。計自桃

關至楸砥。又自楸砥至大板昭。較之西路自桃

關而卧龍關。明郭宗。以至大板昭。近至十有餘

站。每米一石。可以節省五六兩等語。查運道改

至楸砥。兵糧腳價。節省既多。而卧龍關。明郭宗

布朗郭宗一帶。二十餘站。人夫皆可大加裁減。

所省尤爲無算。且自楸砥直運至凱立葉。又較之由楸砥而繞至卓克采。再運凱立葉者亦多減省。但必俟楸砥糧運大通。凱立葉軍糧始可取資於此。則該處臺站人夫。自不可不急爲安設。但由內地應運之糧。迄今運出者甚少。亦未撥給人夫應用。查楸砥一路。此時僅有查禮所雇開路番夫千人。業經富勒渾飛檄。飭令暫留。

在站而底木達布爾郭宗一帶站夫又必俟楸  
砥臺站安設之後始堪捲撤應用。今道路雖通。  
而夫糧不到。仍何以節帑項而裕軍儲。臣現已  
飛檄文綬趕辦。奏入。

上諭軍機大臣曰。楸砥新路。旣已趕修完竣。其臺站  
人夫。自宜急爲安設。以利轉輸。前據文綬奏稱。已  
於正月二十八日前赴楸砥。會同劉秉恬查辦新



路夫糧事宜。何以此時尙無運到。且截留在站之  
夫。亦祇有查禮所雇番夫千名。其何以供兩路軍  
糧之用。前已有旨。令文綬卽回省城辦事。着傳諭  
該署督。卽速督飭所屬。上緊趕運。俾得源源接濟。  
毋稍遲慢。

同日阿桂奏言。查瓦寺鄂克什三雜谷丹壩綽

斯甲布巴旺。布拉克抵兩金川各處。均謂之用

壘。其番人言語。不惟與西藏之唐古忒迥殊。卽與南路之明正各土司。亦須通譯。臣處繙譯番

字。向不用綠營字識。惟有屯弁安布木一人。小心老實。凡有番稟。皆派出章京眼同閱看。令屯弁通事。逐句念出。卽逐句寫清。似不敢有增減之弊。去冬收復小金川之先。早已檄調三雜谷土兵。直至大兵業將小金川全境收復。始行開



信趕來。伊等亦深知愧懼。亟思有以自白。故此  
番進。勦願爲出力。臣因此量加獎賞該頭人等。  
深爲欣悅。而該土司并噶所屬之目兵。向後倍  
加出力。現在楸砥運道不日可通。則谷噶凱立  
葉兩處後路。均在梭磨境內。其土婦卓爾瑪。甚  
爲可信。且距內境益近。離賊境益遠。後路斷無  
阻礙。奏入。報



14 Northside - Tomberlin 121 3

01111



平定兩金川方畧卷之九十

二月丙申阿桂色布騰巴爾珠爾奏言臣等督

率官兵攻擊登古對面高峯近詢土人地名羅

博瓦若從迎面直攻殊難得手今訪得高峯陽

坡之旁有路可遶出賊列之後而此一路石大

溝深積雪極厚賊人不料我兵越險前往是以

尙未設備臣等前已派兵五路定於二十八日



子刻進攻。而是夜雪勢更。八因而停止。連日或  
晝或夜。必有一二次大雪。自尺許至數寸不等。  
官兵實難措足。查自登古進攻。實爲金川險隘。  
若非審度天時地利。爲萬分必得之計。遽行輕  
舉妄動。賊人一有知覺。其勢轉難籌辦。應俟有  
二三日之晴。冰雪稍爲融化。速發兵。必能架

入。再

臣

前奉

八日奉

諭旨。令將楚兵二千。歸於臣等軍營。留爲另覓新路。

分道進剿之用。但明亮處。現分河南河北兩路。

進攻。急藉官兵助剿。臣不敢稍分畛域。此項楚

兵。應請卽赴南路軍營應用。現咨富勒渾文綬

等。照此辦理。奏入。

上諭軍機大臣曰。阿桂等奏籌度進剿情形一摺。只

可如此辦理。行兵當籌畫萬全。原不宜輕舉妄動。

平定回疆方略卷之九十一  
二  
該處正值冰雪凝寒。自當速祈晴霽。阿桂宜秉誠  
致敬。以邀

眷佑。又奏明亮待兵迫切。已將楚兵二千。全往南路。是  
明亮處頓添此二千生力兵。自爲得力。明亮或將  
所添新兵。進攻馬爾邦。或令富德帶往。攻取當噶  
爾拉。或令派赴奎林處。併攻斯第博堵。著照該處

實在情形。速行籌辦。



戊戌。豐昇額五岱奏言。臣等進兵凱立葉。前已

佔據莫爾敏山。爲進圖迪噶拉穆扎之計。隨於

二十九日。飭令都司袁敏。挑選三雜谷兵六百

名。乘夜搶佔。次早據報已至山巔。臣等卽派侍

衛納木扎等。帶兵由莫爾敏山下。沿河南前進。

派侍衛巴三泰等。帶兵由河北前進。又派侍衛

彰。雷伊達里等。分兵接應。臣五岱。臣豐昇額俱

於子刻起行。凡遇沿途形勢地方。皆酌留兵據守。以防遶截。黎明時。至沙岡。遇賊十餘。迎見官兵。卽行奔逸。官兵追及。殺死八人。又行二十餘里。已抵迪噶拉穆扎山下。奮勇衝登。忽有賊三四百人。拋石下壓。我兵鎗矢齊發。多有殺傷。又上一二里。有賊五百餘人。由林內分爲三隊。截出衝斷。侍衛瑪爾占。納木扎等。督兵奮戰。侍衛



普濟保不亨保等夾攻合擊。斃賊尤多。當欲攻  
取山頂大礮。因礮內賊人抵禦。旣力且值天色  
已晚。遂派署總兵官達色侍衛佛倫泰砍伐木  
交植。卽於所佔沙岡。豎柵防守。從此再行攻進。實  
效可大省兵力。奏入。

上諭內閣曰。豐昇額等奏稱。佔得莫爾敏山。攻克迪  
噶拉穆扎等語。此次打仗。賊人捨命前來。竟將我



兵截斷。乃官兵奮勉出力。將賊擊敗。甚屬可嘉。所  
有索倫雲騎尉委署叅領定吉爾圖。健銳營前鋒  
校官敏。西安委署驍騎校秦紹榮。受傷身故。俱著  
交部照例議敘。其餘陣亡受傷之滿漢屯土官兵。  
俱著豐昇額等查明分別造冊送部。一併議敘。

上又諭內閣曰。豐昇額等奏乾清門侍衛瑪爾占。三  
等侍衛普濟。保護軍叅領丕亨保。奮勇殺賊。超衆

出力著將瑪爾占授爲頭等侍衛。賞給拉巴巴爾  
巴圖魯名號。普濟保賞給衝擊葉特巴圖魯名號。  
丕亨保賞給諾恩濟特巴圖魯名號。仍各加賞銀  
一百兩以示鼓勵。

同日富勒渾、郝碩奏言<sub>臣</sub>等伏查自日隆至軍

營一十七站。每站各有里民客夫六七百名至  
千名不等。每日除滾運軍火支應雜差外。可運



米七八百斛。不但軍營足資支發。且有存餘。惟  
俟楸砥糧運暢行。軍儲充裕。即可將凱立葉一  
路。歸併運供。以大板昭爲總滙之所。梭洛栢古  
爲西北兩路分應之處。加倍添夫。以便分頭運  
送。其破礮各站。俱可裁撤。所有撤下之夫。移添  
楸砥一路。及增安大板昭。梭洛栢古兩處。儘敷  
分撥。此外尙有預備將軍移營添站之夫。一千



四百餘名。一俟大兵架入。即便次第安臺。可無

貽悞。

臣

富勒渾前在軍營。面見將軍阿桂。據稱

大板昭爲西北軍營喫緊後路。僅有兵二百名

爲數較少。應將前次派往雜谷之松潘兵二百

名調往。以資彈壓。

臣

等俟將軍一有捷音。即督

率臺員帶領人夫。尾隨安設。以利軍行。奏入。

上諭軍機大臣曰。前因阿桂軍營後路關係緊要。曾

屢諭豐昇額。如未能攻克凱立葉。莫如留兵牽綴。而豐昇額卽帶兵速赴谷噶了口。爲阿桂留防後路。豐昇額接到此旨。自能酌量辦理。今據豐昇額奏。已攻得莫爾敏山。沿途剿殺賊人。在事官兵。俱各奮勉。現在籌取迪噶拉穆扎。該處既有可進之機。自不便撤令他往。或豐昇額此時已從凱立葉乘勝深入。亦足助阿桂一路聲勢。至於阿桂後路。



如大板昭一帶。朕時爲厯念。茲據富勒渾奏。在軍營時。而見阿桂。告以大板昭爲西北軍營喫緊後路。僅有兵二百名。爲數過少。應將松潘兵二百名。添派。以資彈壓。是阿桂於大板昭等處。亦曾籌及。今雖添兵二百。未知果否得力。至阿桂自進攻谷噶以來。連次克捷。官兵俱各勇往直前。固可卽望得手。但有後路。不可不時刻留心。著傳諭阿桂。妥



酌行之。

辛丑。明亮富德奏言。

臣

等率兵攻取河北之唐

額特。該處東西兩山。至此合拱。賊在山均蓋有

平礮。並將靠山偏橋。盡行截斷。攔以石卡。而於

東山背起立戰礮自衛。其西山脚下插河流之

處。因水未泛漲。露出淺灘。緊與深嘉卜相對。賊

人若於灘下礮打隔河。則并奎林一路糧運。從

深嘉卜來往。均有未便。必須搶佔此灘。築礮防  
守。當卽鼓勵番衆。於初一日連夜趕築五礮。雖  
已分頭據守。究難向上仰攻。隨訪得庚額特東  
北一帶山梁。地名穆谷。上有礮寨六十餘間。與  
庚額特山背了口相通。卽係卡卡角河流發源  
之處。若能從卡卡角山後穿林越箐。循溝密進  
乘勢攻克。搶上了口。便可得手。卽於初二日派

科瑪張芝元帶領土兵一千名。官兵一千名。繞至該處。賊於沿山各寨。抵死相拒。攻至一日。一夜。土兵先已佔據平碛五處。次日。賊知勢難守禦。一面滾石放鎗。旋即逃上庚額特山頂。官兵追擊斃十餘名。所有穆谷碛卡。雖已全行佔據。而丫口向下。連築七卡。勢據陡峭。兵力難施。又別無繞出之路。此時惟在正面對河。安設砲位。



將山半礮卡。盡力轟摧。使之難以存身。現在趕  
鑄大礮。不無稍需時日。至奎林駐扎山梁。旣難  
連兵下壓。而河北官兵。又阻前進。不能渡河夾  
攻。其山梁距當噶爾拉。尙有十餘里。遍山積雪  
齊腰。無從覓路。據土兵稱。天氣日就和暖。稍見  
雪消。卽當出其不意。將去歲奎林所攻之納扎  
木山梁。先行攻佔。直取克舟九寨。則斯第博堵。

更可不煩兵力。其言似有所見。現雖小有阻滯。終當破險長驅。現准阿桂知會。新調楚兵二千。已令趕赴南路。臣等軍營添此生力軍。以資調遣。自更易於集事。奏入。

上諭軍機大臣曰。明亮等等辦攻取穆谷情形。該處賊卡。既藉大礮轟摧。自應上緊趕鑄。著明亮卽速

督催。如式鑄造應用。又據奏楚兵二千。准阿桂知

會已經趕赴南路應用。此項生力兵丁自應得濟。若營中礮已鑄成。而庚額特一帶尙未能剋期進取。莫若留明亮照常攻打。以綴賊勢。而令富德統領新兵。馳赴河南。與奎林并力合攻克舟九寨。自當有益。若將該處攻克。即可直至噶拉依。其庚額特馬爾邦一帶之賊。將不攻自潰。亦出奇制勝之一法。著明亮卽悉心籌辦奏聞。



同日。桂林奏言。臣接准文綬扎稱。換班人夫。現

據各屬具報。陸續起程。恐站遠期迫。不能濟急。除將打箭爐以內各站人夫。先行抽調出口外。復飭局墊項雇夫二千一百名。指解章谷應用。

臣查就近抽調出口。誠爲濟急良策。但恐口內

站員。恃該站人夫既經抽調出口。輒將指解口外之夫。於經過該站時。照常截爲抵補。是口外

徒增期滿思歸之人。而口內轉藉此番抽調。將  
新到期遠之夫。盡諸不甚緊要之地。於緩急輕  
重之道。更形岐誤。臣現飭鹽道杜玉林嚴飭口

內各員。凡有指解口外人夫。趨行出口。不得任  
意截留其口內。暫抽應急之夫。俟口外更替人  
夫一到。卽將原夫撥回原站。庶口外人夫皆歸  
實用。而班期亦不致混淆。以杜藉端脫逃之弊。



至章谷現存米石雖足敷一月餘糧但長運甚屬無多若不預爲催趲將來雨水阻滯不無缺乏臣已分飭總理司道將原派長運之糧上緊飭屬趕運至南路換班人夫共需一萬一千八百餘名除已解到五百餘名外尙少一萬一千餘名雖據呈報起解已約有五千之數此時均

未到站臣已疊次飛催以備改途安站之用



於同日富勒渾郝碩奏言

臣

接奉

諭旨令駐大板昭一帶往來查辦。但楸砥米石至今

尚未到站。而凱立葉軍糧尤關緊要。今谷噶軍

營現有存米一千餘石。自應酌量變通。不敢稍

分畛域。

臣

郝碩隨於預備移營夫內暫撥二、三

百名。在梭洛栢古兩路適中之所添設一站。除

每日核計谷噶軍營兵夫所需口糧。足敷支發。

外其餘米石盡數運往凱立葉用資協濟均奏  
入。

上諭軍機大臣曰現在大兵分路進攻糧運最關緊  
要。今桂林富勒渾所奏兩路糧運情形此時雖未  
至貽悞。但內地米石人夫不能源源接濟設稍有  
滯。遲緩所係非輕。著傳諭文綬卽飭屬上緊趕運。至  
於人夫亦務嚴催早到。俾積貯充裕以利軍行。

同日。

上諭內閣曰。前以廣東雷瓊鎮總兵缺出。令李侍堯  
揀選調補。所遺員缺。令海明補授。該員在巡捕三  
營年久。於督率巡防之事。素能實力辦理。著賞銀  
二百兩。馳驛前往四川僧格宗軍營辦事。

甲辰。阿桂。色布騰巴爾珠爾奏言。查臣等軍營  
後路。自美諾。以至喀爾薩爾。所派兵數。既較倍



上年駐兵之地亦較上年得勢。而谷噶溝口及梭洛栢古一帶已派總兵富紳在彼專駐。其前敵之牛厰等處路通梭洛栢古。大板昭亦派官兵嚴守。臣於了口進攻後處處籌畫留兵聲勢均為聯絡。實不慮賊人覬覦。且此時楸砥一路業已開通。設站安夫。不日即能集事。則谷噶後路實在梭磨境內。將來摺報往來即由此一帶。

行走梭磨在三雜谷中。尤爲恭順。卽豐昇額後。

路俱在卓克采境內。該土司畏威思効。亦實可

信無虞。其明亮後路均於巴旺。布拉克底及明

正土司境內行走。臣復札知自省由雅州打箭

爐以至章谷。較之自省由卧龍關。美諾以至章

谷。計程不過多二三站。文報往來。不過遲半日。

此打箭爐一路。原設馬臺。並未裁去。若將摺報

從此馳遞更可邁行。至臣熟察羅博瓦一帶形

勢必能繞壓直下。一得格魯瓦覺則於凱立葉

下面山腿相距匪遙。臣若得兵二三千人從凱

立葉山腿迤邐斜上前後來攻亦能接豐昇額

之兵倘不能辦卽當仰遵

聖諭令豐昇額酌派幹員在彼牽綴而自統兵六七

千名前來會攻勒烏圍更可成掃定犁庭之勢。



但此時豐昇額處正在合力夾攻。自可毋庸移動。奏入。

上諭軍機大臣曰。阿桂奏籌防後路一摺。悉合機宜。朕於阿桂進兵後。晝夜以此繫念。今覽所奏各後路防範。俱能切實。稍覺慰懷。前諭令豐昇額以凱立葉不能迅進。莫若統兵至谷噶一帶。爲阿桂聲援。繼因豐昇額已得嚮導。且覓有進兵之路。復諭

令豐昇額。如現有機可乘。卽不必另爲移動。今阿  
桂復以深入時。後路留防爲計。自當酌調豐昇額  
相助。著阿桂與豐昇額妥酌而行。

同日阿桂色布騰巴爾珠爾奏言。查楸砥一路。

實爲近捷。是以臣等飭令查禮開修。又令妥弁

步行前往看視。據稱此路不過一百五六十里。

其中橫嶺一道。上下止有十餘里。續又據查禮

稟稱糧路業已開修。人夫騾馬均可通行等語。  
是此路轉運軍糧。並無妨礙。且臣等所以亟於

開修者。不但程途較近。實以經由帛噶爾角克  
布朗郭宗等處。俱與賊境相近。倘有夾壩站上  
怯懦兵夫。易於搖惑。亦屬非宜。今改由楸砥。則  
後路皆在校磨境內。一切均可無虞。况此糧運。  
較之從西路運供。每米一石。既可省銀五六兩。



則谷噶一路兵夫口糧。卽以每月萬石計算。已  
省銀五萬有餘。楸砥一日早開。更省一日虛糜  
之費。奏入。

上嘉之

同日。常青奏言。臣自去年十二月。奉將軍阿桂

分派。防守布朗郭宗一帶後路。計由木波起至  
喀爾薩爾止。地方共十二處。安兵共二千九百

餘名遵照單開要處。分布官兵。凡所駐卡地方。俱係深溝高壘。週圍置木欄一道。而木欄之外。仍挖深溝。以防宵劫。並於各處卡隘。令其每日分兵會哨遊巡。惟查木波與噶魯什尼二處。乃係昔嶺木果木出來路徑。臣派令四川遊擊福敏泰帶兵五百駐扎木波。另派四川遊擊保寧帶兵二百五十名駐扎噶魯什尼。所有兩處卡

隘均各修理堅固。約束無虞。又查美卧溝。係通

大板昭要路。臣派令貴州守備張啟貴帶兵三

百名駐扎。是處相距布朗郭宗僅四五里。現有

副都統富興與。臣帶兵七百名。在布朗郭宗駐

扎。可以就近照應。近經一月有餘。各處安靜無

事。臣惟有益加稽察。教戒斷不敢稍有疎曠。奏

入報。



聞。

丙午。舒常奏言。臣傳土舍綽爾甲木燦頭人溫

布松乃等。飭其覓途速進。據稱現值春耕。求寬

限十餘日。令土人回鄉趕種完畢。即行商辦。臣

思春耕原係伊等一年之計。隨准令回鄉。并札

知府盛英。就近曉諭。茲復令盛英帶土舍頭人  
等。於初十日來營。面爲曉示。仍令訂期攻奪。據

伊等稱催調鄉民於八九日內調齊卽行再辦。  
奏入。

上諭軍機大臣曰宜喜一路進取較難卽令士兵覓  
間進攻原不過爲牽綴之計此時以懇請種地爲  
詞不可不俯順輿情俾之無妨耕作且須令該土  
司知覓間襲取之事原係聽士兵自効其誠並非  
欲專仗其力方爲妥善舒常此時轉不必過急諸



事惟相機而行。若聞阿桂豐昇額有攻克險隘。進取勒烏圍之信。則宜喜一路。賊必不能仍前守拒。臨時即可酌量深入。合力攻取。共成大功。

同日。

上諭軍機大臣曰。站夫換班一節。前此原屬權宜籌辦。不應竟成常例。且此等人夫。作何更換之法。亦未明悉。或雇備兩班。輪替更換。則用夫萬名。已須



備夫二萬。而甫回復往。仍不免僕僕爲勞。若派往一次。不復再往。則雇覓之數更多。以一隅用兵。而累及全省民力。更屬不成事體。該省現在作何辦理。未據奏及。著文綬卽行查明具奏。但今各路官兵所向克捷。可望剋日奏功。而站夫運糧。係久經辦定章程。此時難以更改。第須經理得宜。或口外可以添雇蠻人男婦。亦可省內地站夫之力。於事

甚爲有益。著傳諭文綬。卽行據實奏覆。

庚戌。明亮富德奏言。本月初三日。發兵攻克穆

谷以後。庚額特山前山後。四面拒守之賊。愈聚

愈多。雖遇黑夜。猶防我兵掩襲。是其據險死守。

實爲無隙可乘。至奎林所佔山梁。俯臨斯第。博

堵。但自深嘉卜以前。沿河一面。下插山腿。礮卡

聯絡。復有隔河放鎗相護。現於十二日。土兵乘

夜前往。將喀咱普相。進兩處山腿。猝行搶佔。連  
修木城三座。以便用礮轟摧。惟自深嘉卜盤  
旋而上。六十餘里。始至山頂。卽分左右兩路。山  
岡環抱。四十餘里。直至臨河。而斯第博堵寨落。  
俱在兩山岡環抱中間。賊人遇有下壓之路。添  
砌多礮。望如林立。而礮旁護以木城。賊人出沒  
無常。若厚集兵力。猶可逐步下逼。無如此數十



里內。並無取水地方。必須盡一日之力。悉行攻  
克。始可下通水泉。臣等與奎林往返札商。現無  
制勝機宜。是以未將河北官兵調往。嗣據巴旺  
布拉克底頭人等稟稱。從前計由此路進兵。原  
係出其不意之計。今被賊番知覺。添人防備。此  
時攻打。實爲費手。現須修葺碉房。將來官兵。或  
有移動。土兵就可在碉內據守等語。臣等查此

平定回疆方略卷之十一  
三  
一帶山梁。居高馭下。實可以絕賊番由深嘉卜  
潛來滋擾之事。卽未能進攻。亦決難輕棄。今土  
兵旣願自用其力築礮拒守。卽現在官兵借資  
捍衛。亦屬加嚴。現在大礮業已鑄成。指日可於  
庚額特對河施放。而土弁等亦俱令土兵四出  
哨探。另覓間道。一有機會。卽當銳師直入。奏入。

報

聞

...

...

...

...

...

...

...

...

...





平定兩金川方畧卷之九十一

二月壬子。阿桂色布騰巴爾珠爾奏言。查登古

對面之羅博瓦山。峯巒起伏。皆有賊人碉卡。但

高峯大卡之後。尙有兩峯突起。若派兵從登古

了口。潛繞其後。於兩峯佔得一峯。則羅博瓦高

峯。必不能死守。而賊並失其喇穆喇穆之險。惟

此一帶山勢。在在迴環灣曲。賊旣均可望見。卽

可互爲接應。是以臣等前已奏明。酌定五路進兵。因令福康安。海祿。帶兵進攻喇穆喇穆迤西各碉。普爾普等。進攻羅博瓦山峯碉卡。特成額等。於喇穆喇穆迤東山腿進攻。以牽賊勢。其海蘭察額森特。帶兵繞出羅博瓦最後一峯對面地方。以絕賊人來援。又登古丫口之下。有淖爾一處。在羅博瓦及喇穆喇穆中間。令烏什哈達



保寧等帶兵聯絡聲援。十一日積雪雖未全消。而天色已經晴霽。卽於十二日亥刻分隊起發。兵丁皆由石罅循行。或彼此以手接引。跳越而過。比至黎明。普爾普帶領侍衛栢凌等順羅博瓦山梁而進。將至碛下。見碛外有伏賊。卽拋擲火彈焚燒。賊衆俱遁入碛。我兵直抵碛下。將往來救應之賊。殺死五名。其福康安。海祿。攻喇穆。

喇穆之兵。又分兩隊前進。搶獲石卡一座。殺賊  
三名。其餘賊衆十餘名。滾崖遁竄。我兵乘勝進  
取第二石卡。卡內賊衆竄往喇穆喇穆高峯大  
礮。官兵鎗箭齊發。擊斃數人。其特成額成德六  
十六等。帶兵在喇穆喇穆迤東山腿上。分爲兩  
路牽綴。亦擊殺哨探賊衆數人。維時海蘭察額  
森特帶兵行走。處處攀越。賊已知覺。將鎗礮排

列於羅博五及喇穆喇穆之上。盡力施放。並有  
潛伏林箐中。用鎗擊打者。官兵毫無旁顧。直前  
進發。至第三峯下。將循山腿而登。有賊二三百  
名。從梁下壓海蘭察奮力迎戰。賊退一步。我兵  
卽進一步。正在鏖戰間。其山下林中伏賊突出。  
欲行衝截。海蘭察留後之兵。及額森特烏什哈  
達保寧等所帶之兵。合力迎擊。賊人來而復潰。



者兩次。頃之又有三四百賊人。分爲三股。拚死衝突。皆被擊敗。約殲戮四五十人。帶箭逃者尤衆。此數次接仗。箭最得力。賊見官兵持弓追趕者。往往倒身抱頭。從險崖滾落。以冀幸生。至海蘭察等處。戰之兵併力仰攻。山勢愈上愈險。尙有積雪數寸。且天已抵暮。勢難捨佔。當將兵暫撤。與額森特烏什哈達保寧等會兵一處。分隊

露處。以冀賊人前來偷劫。可以再加殲戮。而賊  
因日間痛殲之故。惟於遠處放礮。並不敢近前  
侵擾。此次殺賊共計七十餘名。而我兵受傷無  
幾。惟侍衛庫爾德受傷。四川千總張魁陣亡。現  
在查明咨部請卹。奏入。

上諭軍機大臣曰。阿桂等奏。攻打羅博瓦山。官兵奮  
勇殺賊。其中射斃者尤多。可見滿洲索倫之得力。

惜賊番每在碉內藏匿。若能引出碉外。使得益展。我弓箭之利。則更善耳。此次進攻羅博瓦時。官兵有從凍石中跳越而過者。並有經賊人林內放鎗。而官兵毫無旁顧。其勞績茂著者甚眾。實為出力可嘉。著阿桂查明登記檔案。俟攻得要隘時。一併奏聞。交部議叙。其有出力超眾者。即奏明以示鼓勵。其陣亡之千總張魁。及受傷之侍衛庫爾德等。



並著查明咨部辦理。至於官兵之奮勇立功。由於帶兵之將領。董率得宜。而實由於將軍之規畫。有方。均堪嘉尚。著賞阿桂荷包四枚。火鏈一件。色布騰巴爾珠爾荷包三枚。火鏈一件。福康安海蘭察普爾普額森特等四人。各荷包二枚。火鏈一件。烏什哈達保寧特成額海祿成德六十六等六人。各荷包一枚。火鏈一件。卽隨報發往。以示獎勵。至阿

桂此次非但措置悉合機宜。且胸有成算。志在必滅金川。所籌悉與朕見脗合。阿桂如此誠心出力。實不負元戎重寄。朕適駐蹕盤山。卽以行程所佩。鏤文刮鯁。襲解賜。以寓一體聯合之恩眷。

同日。劉秉恬奏言。臣於初六日。自楸砥起程。因途次連遇大雪。於十二日。始至梭洛栢古。次日。卽赴谷噶軍營。詢悉將軍阿桂。於十三日。派令

海蘭察額森特等分道進攻。雖未能得手。而賊番衝出之時。被我兵殲戮甚多。查谷噶軍營及海蘭察等駐兵之處。除每日支放外。存米約及二千石。復由梭洛栢古。逐日運進米三四百石。實爲源源而至。有盈無絀。至楸砥新開道路。該處糧運。雖未能卽日暢行。而附近軍營之數站內。尙存米一萬二三千石。日隆臥龍關木坪等



站約有米萬餘石。亦足以資接濟。其凱立葉一路。現由梭洛栢古每日接濟米數十斛。至一百斛不等。且臣昨在北路時。見運往卓克采之米。已有二三百石。是該處亦斷無虞缺乏。現在楸砥新路。正關緊要。其日爾拉山積雪。轉瞬三月。

亦當漸次消融。且該處夫糧漸集。亦需專員辦理。擬於數日內。仍回楸砥。查辦一切。奏入報

聞

三月乙卯。常青奏言。臣奉將軍阿桂照會。續調川兵二千名。一抵美諾布朗郭宗。卽於原留防兵內。更調一千五百名。交將弁帶赴大營。以資攻勦。其餘五百名。查大板昭爲西北兩路總滙之地。應添駐兵二百名。又瑪爾當與大板昭互爲聲援。應添兵一百名。其薩拉一處。附近兩河

口新設糧站亦當添兵五十名尙餘兵一百五

十名令臣與王進泰酌量分撥添駐臣查現到

之兵已有七百隨撥綠營新兵四百分駐木波

以滿兵三百撥駐布朗郭宗將換出兵七百名

交遊擊福敏泰帶赴大營聽用其遊擊福敏泰

所遺木波卡隘事務已派貴州定廣副將握星

泰等前往接管至美諾應換之陝甘叅將金富



寧帶兵三百名。臣亦知會王進泰。就近截留新  
兵三百名。作速更換起程。餘俱照阿桂所指撥  
兵添駐防守。此外尙餘兵一百五十名。則於美  
諾分兵七十五名。布朗郭宗分兵七十五名。添  
駐應用。奏入報

聞。

丙辰。阿桂色布騰巴爾珠爾奏言。查羅博瓦前

面山峯。賊番恃險固守。度大兵未必來攻。而前此已從其下繞道前進。或疑大兵意不在此。防備稍疎。亦未可定。當於十七日夜。派撥滿漢屯土官兵分路前進。海蘭察額森特帶兵從正路攻羅博瓦前面山峯。官兵奮勇前進。直抵礮卡。賊番鎗石並發。其小金川降番先已潛繞賊礮之後。始見又有一礮相距甚近。而兩礮中間。又

有一大石卡。賊番聚此。以爲應援兩礮之地。我兵同土兵。出其不意。突然捨入。砍殺殆盡。其有出卡逃竄者。亦被官兵追及。共殺賊三十餘名。前後官兵合力攻圍大礮。拋擲火彈。挖掘礮根。忽有賊二百餘來援。經侍衛岱三保達蘭泰等迎擊。亦殲二十餘名。餘賊入礮。併力固守。其左手梁下。又有賊二百餘斜衝而上。亦被章京瑞



尼爾圖侍衛額爾特等迎擊斃賊十餘。餘賊潰遁。臣等先恐官兵奮攻羅博瓦山峯碉卡。則後兩峯之賊。喇穆喇穆之賊。均必前來接應。因令烏什哈達保寧等帶兵從登古了口下至有漚爾之處以斷來援。至是果有賊百餘名從喇穆喇穆一帶衝來。欲截官兵後路。經叅領常住遊擊李煦督兵迎敵。烏什哈達等亦乘勢夾攻。賊

番被殲及落崖者甚衆。其普爾普帶兵繞攻羅博瓦後了口礮卡。亦於是時派令章京索柱等從礮下山均繞道襲取。而自行帶兵迤邐斜上。遇賊奮力衝擊。賊雖敗退。仍於至險至仄路口滾石放鎗。官兵相持甚久。而海蘭察等官兵在賊卡間攻撲者。賊於兩礮內鎗石並發。刨挖礮根之官兵。不無傷損。難以久站。比至天色漸明。



各隊官兵。緩緩撤下。其福康安海祿等。帶兵攻打木城對面喇穆喇穆高礪。鎗矢並施。斃賊五六名。至特成額成德等。因各路官兵進攻。派令都司鄭啟榮。帶兵由喇穆喇穆左手山溝小路潛進。自率侍衛伊里布等。接應。鄭啟榮聞羅博瓦山峯打仗聲響。帶兵先進。直抵賊番冷卡之前。其中數賊。俱被官兵殺死。並獲活口一名。此



次殺賊八九十名。我官兵內。惟章京索柱。得有石傷。護軍校七十五。得有鎗傷。其餘兵丁。亦有陣亡受傷者。俟查明各部核辦。現在天色已晴。臣等另踴道路。於一二日間。奮速進攻。以期殲八。

同日。阿桂。色布騰巴爾珠爾。奏言。查小金川地方。西起約咱。東至大板昭河北一帶。在在與金

川接壤。其布朗郭宗底木達。係美臥溝及簇拉  
角克出路。美諾係功噶爾拉出路。僧格宗係當  
噶爾拉出路。現在俱有大兵分駐。控制不爲不  
密。此時卽偶有夾壩。不過去冬大兵未到之先。  
小金川番人竄往金川者。旣無口食可資。三五  
爲羣。潛行搶掠。卽加倍添兵駐守。亦不能保其  
必無。况南路摺報。由打箭爐雅州而至省。較由

美諾桃關而至省。僅多兩站。臣等早已札知明  
亮等。囑其所發摺報。仍由打箭爐往來。旣無可  
虞。而臣等摺報。改由楸砥邁行。更爲穩捷。至谷  
噶馬尼兩路。軍書來往。由布朗郭宗美諾僧格  
宗遞送。聲息俱可相通。然此一路。本止四五百  
里。而其間應加防範者。亦不過數站。酌令兵壯。  
黑夜暫停行走。而日間加緊趲行。亦不至有遲



誤。均奏入。

上諭軍機大臣曰。阿桂等奏。分路繞攻羅博瓦山峯。情形一摺。深爲嘉慰。阿桂自進兵以來。實心調度。悉合機宜。軍聲倍壯。所至奏績宣威。佇盼成功。茂膺渥典。其海蘭察所帶之小金川降番。於攻碉時。潛密先往。認真出力。自應查明獎賞。以勵其餘。至滿洲索倫中之奮勇殺賊。及綠營屯土各兵。有踴

躍爭先者。並應確查具奏。候朕另降恩旨。將士等  
聞之。自必更加感激鼓舞。其章京索柱。護軍校七  
十五。得有鎗石各傷。亦應查明。與傷亡兵丁一併  
咨部核辦。至另摺覆奏籌辦後路事宜。極爲周妥。  
看來此路乘勝深入。大有可恃。而豐昇額籌攻凱  
立葉。昨據奏稱。踴有可通之路。此時如已攻得固  
好。否則阿桂處。一經攻克羅博瓦山。可以順勢壓

下其剽立葉之賊。自必不攻而潰。惟明亮一路欲  
進攻。庚額特礮位業已鑄成。未知施用後效驗何  
如。又楚兵二千。作何分派。甚爲懸憶。著各將得勝  
情形。迅速馳奏。

戊午。明亮富德奏言。臣等屢赴庚額特對河礮

臺。察看清形。惟乘此河水未漲。兵丁乘船逆流

而上。不過數箭遠近。捨過庚額特東岸。截出其



前使賊番無險可恃。卽當不攻自破。現已趕造

皮船六十隻。木船六隻。預備臨期應用。但河面

本不甚寬。賊番兩岸拒守。中流卽有船隻。未可

直前徑渡。必須將河南喀咱普之賊碉二座。庚

額特山坳之穆當噶爾一帶碉卡。用礮轟摧。使

之無處容身。不能堵禦。我兵方可乘船而過。十

八日。卽移各種礮位。緊對穆當噶爾安設。已將

碉卡摧其大半。並又趕鑄大礮轟摧喀咱普碉卡。兩處賊番稍退。臣等卽酌量派兵。一從河南先渡。一從河北直進。勉勵兵衆。務期努力先登。以期必克。至奎林一路山頂積雪漸消。兵丁下山取水。往返卽須兩日。多兵勢難久駐。惟查所佔山梁實爲扼要。有此一路官兵。賊番卽不敢下。從深嘉卜出而滋擾。因留漢屯土兵一千三

百名在山防守。其餘卽令奎林撤赴深嘉卜近水地方駐扎。聽候調用。連日以來。賊人苦於礮逼。忽於二十一日黎明。聚集二百餘人。從庚額特了口。下趨滋擾。我兵一聞賊至。踴躍爭先。當經侍衛阿滿泰。前鋒叅領巴克坦布等。帶兵先佔要地。鎗矢刀矛。同時並發。賊番傷殪甚多。現在楚兵二千。接續來營。將來攻過庚額特以前。



平定兩金川大畧卷之十一  
五  
地勢平坦。卽當奮攻銳進。况得此二千生力軍。  
實足以壯聲援而助軍威。奏入。

上諭軍機大臣曰。明亮等奏設法越險。並現在殺賊  
情形一摺。所辦甚好。乘船渡河。兩路併進。自爲得  
力。如此卽已越過庚額特之險。攻克馬爾邦。自爲  
易事。至奎林駐兵之處。前據明亮稱。此一路箐林  
深密。自非多兵接踵而前。未可輕進。或將所添楚

兵二千併於奎林一路直壓斯第博堵進取克舟  
九寨似覺便捷著明亮等卽就該處形勢妥酌爲  
之。至此次賊番竟敢從庚額特丫口前來經阿滿  
泰巴克坦布等帶兵奮擊殲賊頗多甚爲可嘉著  
存記檔案俟攻得馬爾邦一併奏請交部優叙。  
庚申阿桂色布騰巴爾珠爾奏言查羅博瓦一  
山最關緊要必當從此進攻始得建瓴之勢因

於二十三日。派撥官兵。乘夜陸續進發。海蘭察。達蘭泰等。帶兵繞至第二第三峯丫口之下。於黎明時。分兵五股。爬越而登。賊番知覺。集衆下衝。勢甚勇猛。官兵內雖有被滾石打中者。並不稍爲移動。俟其衝近之時。持滿而發。無不應弦。卽倒。賊見我兵所佔地勢。已與相等。兩處夾攻。勢不能支。始行敗退。我兵上緊追殺。直上山梁。



海蘭察遂一面留兵佔據丫口碉卡。一面往搶  
第三峯第四峯。及第四峯下突起一岡。將各碉  
卡盡行攻克。並殲戮賊番甚多。其額森特烏什  
哈達等兵接踵而至。圍攻第二峯碉卡。亦至晚  
克獲。殲斃無遺。賊衆因後路已斷。轉竄入第一  
山峯碉卡。合力死守。先是額森特烏什哈達海  
祿等兵。由淖爾一處接續前行。突有賊百餘。從

溝內前來攔截。章京花連保等帶兵迎擊。其餘官兵前後衝截。將賊番圍住於山迴路轉之處。殲戮更爲不少。餘俱竄入樹林兩卡內拒守。官兵三路合力進攻喇穆喇穆。忽見礮後有賊數十欲往羅博瓦救援。當卽截殺數名。餘皆竄逸。至普爾普等所攻羅博瓦前面第一山峯礮卡。我兵乘勝之後。合力飛騰上撲。拋入火彈噴筒。



或挖掘礮根或攀援而上。於二十四日亥刻攻  
開。賊除殲斃之外。滾落崖溝。及被火燒死者尤  
衆。遂將四峯全克。此次共克大礮八座。大小二  
十六卡。殺賊二百餘。並大頭人阿讓星格。申則  
二名亦均殺死。查喇穆喇穆係賊酋緊要門戶。  
今將羅博瓦全行攻克。已距遼克爾宗不遠。原  
可直下衝壓。但喇穆喇穆之賊。尙與勒烏圍有



路可通。則後路未清。於糧運往來。亦須顧慮。自  
應將喇穆喇穆之賊。一併掃除。則各處防兵。又  
可量撤爲進剿之兵。庶直壓遜克爾宗。聲勢倍  
爲壯盛。查羅博瓦對面山梁。卽係喇穆喇穆後  
路。臣等現擬發兵。從此截斷。勢必不攻自潰。  
同日。舒常奏言。駐防木池叅將金應安稟稱。二  
十二日。綽斯甲布土舍阿旺。帶領土兵一千餘

名潛赴柔染爾地方。攻奪碉卡。查該處山勢陡

險。雪尙未消。土兵潛越。攀援而上。至丑刻。土兵

一半行抵山頂。賊番知覺。一面在碉外迎敵。一

面在碉內放鎗滾石。土兵奮力殺賊數名。餘皆

奔竄。隨將兩碉攻獲。生擒賊番二名。殺死金川

頭人衮噶喇卜坦一名。因其地無水泉。難以據

守。隨將二碉燒燬撤回。計陣亡土兵十二名。受

傷小頭人三名。土兵七十四名。隨酌賞阿旺及頭人等緞布銀牌而去。臣仍令知府盛英卽回周叟鼓勵土司以圖再舉。

同日豐昇額五岱奏言。臣等前奉

諭旨酌量分兵前赴谷噶丫口分防。嗣經阿桂知會。

此時尙不宜移動。且彼處已派有鎮將節節嚴防。實不慮賊人覬覦。是以臣等尙不敢輕易移



兵查凱立葉實係賊酋要隘。惟因番地春時多

雪。以致進攻稍稽。現定於達爾扎克東北溝內

發兵。繞取凱立葉極頂山峯。屢令索倫兵丁潛

往。踏看。據稱此路雪深石大。難以竟進。近日天

氣晴朗。冰雪漸消。早晚當於此溝進取。均奏入。

上諭軍機大臣曰。阿桂奏稱羅博瓦已經攻克。距遜

克爾宗不遠。原可直下衝壓。而羅博瓦對面山梁。

卽係喇穆喇穆現擬發兵截斷等語。覽之深爲欣慰。豐昇額等亦奏。近日天氣晴朗。冰雪漸消。擬從達爾扎克東北溝內。早晚覓路進攻等語。大有可進之機。而明亮等前日奏到。擬用皮船過河。攻取馬爾邦。亦能兼用活法。以資勝算。看來逆酋罪惡貫盈。其滅亡自可立待。至金川番衆。素稱兇狡。前此未經懲刈。以致毫無忌憚。今大兵所至。殲戮甚

多賊番自必心生畏懼。朕意以爲正當就其驚怯之時。各路遍爲宣諭。以爾金川地方。久隸中國版籍。安享太平。因爾逆酋索諾木莎羅奔兄弟。及其六頭人等。負恩反噬。抗拒天朝。實爲覆載所不容。是以聲罪致討。必須掃穴擒渠。立時誅磔。以申國憲。原於爾番衆無涉。况逆酋平日恃其兇惡蠶食鄰疆。方其攻奪之時。番衆等爲之捨死出力。輕蹈



危亡。及既佔得地方。則逆酋獨專其利。絲毫不以分人。爾番衆始終不知悔悟。已屬至愚。乃竟敢與王師相抗。尤爲愍不畏死。今選用八旗勁旅。分路進攻。所向殲戮無遺。此皆爾等所目擊者。奈何不知順逆。甘心爲賊受死乎。本將軍仰體大皇帝如天好生之心。不忍盡行洗蕩。特爲明白宣諭。爾等各宜猛省。如能曉然於禍福利害之機。卽速設法。

將索諾木並其兄莎維奔等。其姑阿青及用事頭

人丹巴沃雜爾等。一併擒獻軍門。不但可免爾等

之罪。並當奏聞大皇帝。予以恩賞。或併加之錄用。

若僅詣軍營投降。亦當待以不死。仍令安居樂業。

共爲良民。豈不甚善。設或迷而不悟。則大兵所至。

有殺無赦。若至彼時。始行哀求。悔無及矣。各宜及

早醒悟。毋自貽戚。如此廣爲傳播。衆番聞之。自必

各自謀生。正當軍聲極盛之時。有此檄示相助。獲效必速。至阿桂今日奏到。進剿兵丁內。間有傷亡者。著卽查明咨部辦理。又據舒常奏。綽斯甲布土舍阿旺帶兵密進。隨於柔染爾地方攻奪碉卡。生擒番賊二名。殺死金川頭人一名。仍照例子賞。所辦俱是。宜喜一帶。此時雖難卽進。但似此隨時殲賊奪碉。亦足褫賊人之魄。該處現尙未知阿桂捷



音。若阿桂乘勝深入。賊必移兵至勒烏圍一帶拒守。則宜喜日旁之地。自更空虛。若卽乘其不備。密速進攻。可期事半功倍。將此令舒常留心妥辦。

臣等謹按大軍攻克羅博瓦已扼賊會門戶。其對面山梁卽喇穆喇穆後路。從此直壓遜

克爾宗憑仗

天威勢同破竹迺蒙

皇上如天好生於迅霆奮掃之餘令臣阿桂等傳諭  
衆番明示以順逆禍福解網之仁與攻瑕之  
用並行不悖至宜喜一路前進較難屢奉

訓諭以西路乘勝架入賊移兵拒守則此處自易於  
攻取逮後未及一年西路連克色溯普康薩  
爾明亮卽進據宜喜山梁並攻得俄坡日旁  
等處與西路兵會合克敵情形瞭如指掌已

無一不在

睿照中矣

上諭內閣曰。羅博瓦爲賊酋緊要近捷門戶。屢經阿桂等相機進剿。今復將其山峯全行佔住。賊甚多。皆由阿桂調度有方。將領等奮勇直前。海蘭察普爾普額森特等。尤爲出衆。故能所向克捷。實屬可嘉。阿桂著晉階太子太保。海蘭察著授爲內大



臣。普爾普。額森特。著授爲散秩大臣。以示獎勵。至其餘出力將弁。及滿漢屯土官兵。俱著查明登記冊檔。俟攻克勒烏圍後。一併優叙。

上又諭內閣曰。此次攻取羅博瓦山梁。賊人向下來衝。達蘭泰等。痛戮賊衆。佔據山峯。實屬可嘉。協領依蘭保。著賞給扎濟克巴圖魯名號。委署營長八十三。著賞給他爾濟特巴圖魯名號。仍照例各賞。

給銀一百兩。委署叅領博純著賞戴花翎。藍翎侍衛綽爾齊喀達蘭泰均著授爲三等侍衛。達蘭泰既有巴圖魯名號。仍著賞銀一百兩。以示獎勵。

乙丑。阿桂色布騰巴爾珠爾奏言。臣等查羅博

瓦各峯業經官兵攻得。則進攻遜克爾宗。格魯瓦覺皆係居高臨下。原爲得勢。惟第四峯下突起一岡。而是岡迤邐而下。又分三股。中間林箐

深黑。其旁亦係陡崖。是日官兵因深入賊境。將各緊要地方。分頭築卡。於二十五日。遙見林箐中有烟火。且見賊番搬運木石。臣等派兵於二十六日黎明進攻。林中有大小木城四座。石礮二座。其外又衛以石卡。海蘭察額森特烏什哈達等。帶兵分爲兩翼繞進。遇賊三百餘人。突出拒敵。我兵乘勢衝壓。連搶石卡三座。併分兩翼。



圍困木城。賊復聚集多人。潛匿林中。欲截我兵  
之後。滿洲索倫官兵回身奮擊。亦多殲殪。但此  
四木城兩碉內。放鎗皆可相及。我兵未免受傷。  
且因天暮暫撤。此次攻剿。共殲賊八九十名。並  
殺頭人二名。據小金川番人稱。一名阿布波烈。  
係得斯東寨頭人。一名格楞布。係勒烏圍喇嘛  
頭人。爲莎羅奔岡達克所最任用者。至我官兵

內。惟藍翎侍衛綽爾齊喀陣亡。臣等察看木城石礮。宜用大礮轟摧撲取。始易爲力。且此處尙有可繞進之路。現在相機辦理。以期迅速深入。奏入報。

聞。

同日。阿桂色布騰巴爾珠爾又奏言。查丹壩土舍。臣會令總兵五福。實力駕馭。茲據五福稟稱。



二月十七日。同副將李天佑前赴丹壩官寨挑  
派頭人土兵一百二十名。卽於是夜潛往穆爾  
津岡右面塔爾沁地方。燒燬賊寨二座。殺賊一  
名。并擒獲七名口。此內婦女六口。給賞該土舍。  
以示鼓勵。其生擒之德爾日嘉。解至大營。臣等  
親加訊問。據稱伊在穆爾津岡。聽見金川人說。  
凱立葉山梁。是要緊地方。派色爾里達扎木各



寨人把守。領兵頭人是達什阿庫魯山塔爾薩  
木坦二人。至谷噶路徑。從前未經走過。聽見山  
勢窄隘。小路叢雜。現派有格魯瓦覺及達色爾  
木波等寨人據守。因賊人被官兵殲戮甚多。連  
班第喇嘛俱遣出來打仗。領兵的是勒烏圍頭  
人達實策旺。格魯瓦覺頭人桑結塔爾等語。除  
將該番正法外。臣等復札囑五福。留心察訪賊

人無備之處。卽撥土兵前往剿殺。以分賊勢。奏  
入報。

聞。

同日。

上諭軍機大臣曰。阿桂等奏。訊據賊番德爾日嘉。其  
詞內有賊被我兵殲戮甚多。將喇嘛班第遣出打  
仗等語。此卽賊人滅亡之兆。從前準噶爾額魯特

等被火兵窮蹙。將喇嘛班第等俱行遣出打仗。是以旋即殄滅。今逆酋索諾木因大兵深入不能抵禦。始將喇嘛班第等遣出。由此看來賊酋斷難久存。大功計日可就。朕當佇聽喜音。

同日。

上諭內閣曰。阿桂等奏從前所出未經補放之委署前鋒參領。前鋒校員缺。請將奮勉出力人員揀補。



著照所請。健銳營委署前鋒叅領烏雲布員缺。卽著本營前鋒校色赫納補授。其烏爾圖員缺。著火器營烏鎗護軍校七十五補授。火器營委署烏鎗護軍叅領員缺。著本營烏鎗護軍校德海補授。其色赫納所遺之缺。著翎長永保補授。七十五所遺之缺。著烏鎗翎長巴爾布補授。德海所遺之缺。著額魯特護軍德布星額補授。再已陞委署護軍叅

領長存所遺之護軍校員缺將額魯特護軍巴圖  
補授。